

## Izvještaj o radu Uprave policije MUP-a Kantona Sarajevo za period januar – mart 2020. godine

### KRIMINALITET

#### STATISTIČKI POKAZATELJI

U periodu januar - mart 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 1.148 događaja sa obilježjem krivičnog djela (što je 226 ili 24,5% više u odnosu na period januar – mart 2019. godine).

Od ukupnog broja registrovanih događaja sa obilježjem krivičnog djela, 511 ili 44,5% je evidentirano po poznatom izvršiocu, a 637 ili 55,5% po nepoznatom izvršiocu.

***Od ukupno 637 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 184 ili 28,9% (što je za 12,4% manje u odnosu na uporedni period).***

U izvještajnom periodu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 692 obavijesti (četiri manje) o događajima u kojima je pričinjena neznatna materijalna šteta<sup>1</sup>.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U PERIODU JANUAR- MART 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>JANUAR -MART 2020. GODINE</b>	<b>1.148</b>	<b>511</b>	<b>637</b>	<b>184</b>	<b>86</b>	<b>613</b>	<b>17</b>	<b>327</b>	<b>232</b>
JANUAR -MART 2019. GODINE	922	443	479	198	90	614	15	372	290
<i>uporedba</i>	226	68	158	-14	-4	-1	2	-45	-58
	24,5%	15,3%	33,0%	-7,1%	-4,4%	-0,2%	13,3%	-12,1%	-20%

**TABELARNI PREGLED DOGAĐAJA SA OBILJEŽJEM KRIVIČNOG DJELA U PERIODU JANUAR - MART 2020/19. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	JANUAR - MART 2020. GODINE	JANUAR -MART 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtjenih događaja	
			+ / -	%			broj	%
Protiv života i tijela	<b>49</b>	40	9	22,5%	43	6	4	66,7%
Protiv slobode i prava čovjeka i građanina	<b>44</b>	31	13	41,9%	39	5	5	100%
Protiv spolne slobode i morala	<b>6</b>	4	2	50%	5	1	1	100%
Protiv braka, porodice i mladeži	<b>47</b>	62	-15	-24,2%	47	0	0	---
Protiv zdravlja ljudi	<b>123</b>	133	-10	-7,5%	123	0	0	---
Protiv privrede, posl. i sigur. platnog prom.	<b>0</b>	4	-4	---	0	0	0	---
Protiv imovine	<b>700</b>	546	154	28,2%	94	606	170	28,1%
Protiv okoliša, poljop. i prirodnih dobara	<b>1</b>	0	1	---	0	1	0	0%
Protiv opće sigurnosti ljudi i imovine	<b>18</b>	33	-15	-45,5%	7	11	0	0%
Protiv sigurnosti javnog prometa	<b>21</b>	17	4	23,5%	21	0	0	---
Protiv pravosuđa	<b>3</b>	6	-3	-50%	3	0	1	---
Protiv javnog reda i pravnog prometa	<b>101</b>	26	75	288,5%	94	7	3	42,9%
Protiv podmićivanja i krivična djela protiv.	<b>22</b>	3	19	633,3%	22	0	0	---
Protiv sistema elektron. obrade podataka	<b>0</b>	1	-1	---	0	0	0	---
Protiv čovječnosti i vrijed. zaštit.(KZ BiH)	<b>1</b>	0	1	---	1	0	0	---
Privrede i jed. tržišta ....(KZBiH)	<b>0</b>	2	-2	---	0	0	0	---
ZONDINOIM-a (Sl.novine Ks br.01/18)	<b>12</b>	14	-2	-14,3%	12	0	0	---
UKUPNO	<b>1.148</b>	922	226	24,5%	511	637	184	28,9%

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

U periodu januar - mart 2020. godine evidentirano je 49 događaja sa obilježjem krivičnog djela iz oblasti protiv života i tijela (devet više u odnosu na uporedni period) i to 43 po poznatom i šest po nepoznatom izvršiocu. Evidentirani su sljedeći događaji:

- ubistvo (član 166. KZ FBiH) - dva (jedan više),
- ubistvo u pokušaju (član 166. KZ FBiH u vezi člana 28.) - četiri (nije bilo ovih događaja),
- teška tjelesna ozljeda (član 172. KZ FBiH) – 11 (jedan manje),
- lahka tjelesna ozljeda (član 173. KZ FBiH) – 31 događaj (pet više) i
- učestvovanje u tuči (član 174. KZ FBiH) – jedan događaj (isto)

**1.2.2. PROTIV SLOBODE I PRAVA ČOVJEKA I GRAĐANINA**

Iz ove oblasti evidentirana su 44 događaja sa obilježjem krivičnog djela (13 više) i to: ugrožavanje sigurnosti – 38, narušavanje nepovredivosti doma i protupravno lišenje slobode - po dva, neovlašteno optičko snimanje i otmica u pokušaju – po jedan događaj, za čije su izvršenje evidentirana 43 lica, od kojih su 23 povratnika (ili 53,5%), a sedam je lišeno slobode.

Događaji sa obilježjem krivičnog djela ugrožavanja sigurnosti evidentirani su na području sljedećih općina: Centar – 16, Novi Grad - šest, Stari Grad - pet, Hadžići, Vogošća i Ilijaš – po tri, Novo Sarajevo i Ilidža – po jedan događaj u kojima su izvršiocu upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirano je 47 događaja sa obilježjem krivičnog djela (15 manje) - nasilje u porodici, za čije izvršenje je prijavljeno 46 lica, od kojih je 27 povratnika (ili 58,7%), a 28 lica je lišeno slobode.

Broj događaja sa obilježjem krivičnog djela nasilje u porodici smanjen je u odnosu na uporedni period za 14, a evidentirani su na području općina: Novo Sarajevo – 14, Ilidža – devet, Centar - osam, Novi Grad – šest, Hadžići – pet, Vogošća – tri, Stari Grad i Ilijaš – po jedan događaj.

PROTIV ZDRAVLJA LJUDI

Evidentirana su 123 događaja sa obilježjem krivičnog djela iz oblasti protiv zdravlja ljudi (deset manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – pet,
- posjedovanje i omogućavanje uživanja opojnih droga (čl. 239. KZ FBiH) – 118.

PREGLED ODUZETE KOLIČINE OPOJNIH DROGA U PERIODU JANUAR - MART 2020/19. GODINE

VRSTA OPOJNE DROGE	JANUAR – MART 2020. GODINE	JANUAR – MART 2019. GOD.
Marihuana (u gramima)	<b>7.393,4</b>	128.059
Marihuana (paketići)	<b>72</b>	56
Marihuana (JOINT - cigarete)	<b>2</b>	7
Heroin (u gramima)	<b>19,1</b>	20
Heroin (paketići)	<b>5</b>	---
Amfetamin (u gramima)	<b>75,2</b>	597
Amfetamin (paketići)	<b>18</b>	51
Speed (u gramima)	<b>52,7</b>	---
Speed (paketići)	<b>24</b>	---
Cannabis (stabljike)	<b>155</b>	---
Ecstasy (tablete)	<b>8</b>	42
Ecstasy (u gramima)	<b>2,2</b>	---
pribor sa ostacima droge (kom.)	<b>11</b>	21

PROTIV IMOVINE

U ovom periodu, evidentirano je 700 događaja sa obilježjem krivičnog djela protiv imovine (94 po poznatom i 606 po nepoznatom izvršiocu) što je za 154 ili 28,2% više u odnosu na isti period prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 355 (75 više),
- krađa (član 286. KZ FBiH) – 173 (94 više),
- razbojništvo (član 289. KZ FBiH) – 90 (24 manje),
- oštećenje tuđe stvari (član 293. KZ FBiH) – 33 (četiri više),
- teška krađa u pokušaju (član 287. KZ FBiH u vezi člana 28.) – deset (tri više),
- utaja (član 290. KZ FBiH) – deset (četiri manje),
- prijevarena (član 294. KZ FBiH) - devet (jedan manje), itd.

Nadležnom tužilaštvu podneseni su službeni izvještaji protiv 170 lica, od kojih je 114 povratnika (ili 67,1%), a 78 je lišeno slobode.

Od ukupno 606 događaja evidentiranih po nepoznatom izvršiocu iz oblasti protiv imovine **naknadno je rasvijetljeno 170 ili 28,1%** što je za 11,9% manje u odnosu na uporedni period 2019. godine.

U prva tri mjeseca ove godine, prema objektima izvršenja teških krađa, 136 je izvršeno u stambene objekte (13 više u odnosu na uporedni period), 88 u motorna vozila (otuđenja motornih vozila i “provale” u ista) (26 više), 61 u poslovne prostorije (četiri manje), 39 na ulici (17 više), itd.

Takođe, evidentirano je 25 otuđenja motornih vozila od čega je 19 ili 76% pronađeno i vraćeno vlasnicima (Uprava policije MUP-a KS-a – 11, MUP RS-a i drugi MUP-ovi – po jedno i vlasnici su pronašli – šest vozila).

Broj otuđenih motornih vozila u odnosu na uporedni period je smanjen za 11 ili 30,6%.

Evidentirana su 173 događaja sa obilježjem krivičnog djela krađe (94 više) i to u poslovnim prostorima – 54 puta, vozilima i na stajalištima GRAS-a – 48, na ulici - 41, u stambenim objektima - 17, itd. odakle su otuđivani novčanici, mobiteli, prehrambeni proizvodi, ogrijevno drvo, auto-dijelovi, itd.

Evidentirano je 40 događaja sa obilježjem krivičnog djela teških krađa na naročito opasan ili naročito drzak način (23 više), u kojima su izvršiocu, upotrebom fizičke snage (otimanjem i trganjem) - 35 puta i verbalnom prijetnjom u pet slučajeva, otimali mobitele, novac, nakit i tašne, a evidentirani su: 31 put na ulici, pet na tramvajskim stajalištima i po jedan u prodavnici, ugostiteljskom objektu, apoteci i sportskoj kladionici. Nadležnom tužilaštvu podneseni su službeni izvještaji protiv pet lica, od kojih su četiri povratnika u činjenju krivičnih djela.

U prvom tromjesečju ove godine evidentirano je 90 događaja sa obilježjem krivičnog djela razbojništva (24 manje) i to na području slijedećih policijskih uprava: III PU – 35 (dva više), V PU - 19 (dva više), IV PU - 15 (12 manje), I PU - 12 (jedan manje), II PU – osam (osam manje) i VI PU – jedan događaj (nije bilo ovih događaja).

Nadležnom tužilaštvu podneseni su službeni izvještaji protiv 22 lica, od kojih je 13 povratnika (ili 59,1%), a deset lica je lišeno slobode.

Od ukupno 85 događaja razbojništva evidentiranih po nepoznatom izvršiocu, naknadno je rasvijetljeno 25 ili 29,4% (što je za 0,7% više u odnosu na uporedni period).

Razbojništva su izvršena prijetnjom upotrebe vatrenog oružja - 43 puta, prijetnjom upotrebe noža ili drugog oštrog predmeta – 29 i upotrebom fizičke snage – 18 puta, a počinjena su u poslovnim prostorijama – 35 puta, na ulici – 22, u sportskim kladionicama – 19, u apotekama – devet, itd. Otudivan je novac, mobiteli, cigarete, itd.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 18 događaja (15 manje) i to: - izazivanje opće opasnosti – 16, nesavjesno čuvanje pasa i drugih opasnih životinja i teška krivična djela protiv opće sigurnosti ljudi i imovine – po jedan događaj. Nadležnom tužilaštvu podneseni službeni izvještaji protiv sedam lica, a četiri su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru 15 puta i u ugostiteljskom objektu - jednom, pri čemu je u šest slučajeva upotrijebljeno vatreno oružje, devet puta otvorenim plamenom izazvan požar i u jednom slučaju je na balkonu stana bačena nepoznata eksplozivna naprava koja nije eksplodirala.. Posljedica izvršenja navedenih događaja je nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentiran je 101 događaj sa obilježjem krivičnog djela (75 više) i to: krivotvorenje isprave – 60 (52 više), nasilničko ponašanje – 20 (deset više), napad na službenu osobu u vršenju poslova sigurnosti – osam (sedam više), nedozvoljeno držanje oružja ili eksplozivnih materija – šest (isto), sprječavanje službene osobe u vršenju službene radnje – četiri (tri više), skidanje službenog pečata ili znaka – dva (nije bilo ovih događaja) i ovjeravanje neistinitog sadržaja – jedan događaj (nije bilo).

Nadležnom tužilaštvu podneseni su službeni izvještaji protiv 100 lica od kojih je 37 povratnika (ili 37%), a 24 su lišena slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U periodu januar-mart 2020. godine evidentirano je 30 događaja sa obilježjem krivičnog djela, u kojima je učestvovalo 17 maloljetnih lica. U odnosu na isti period 2019. godine povećan je broj događaja sa obilježjem krivičnog djela za 18 ili 150%, kao i broj maloljetnih lica za dva ili 13,3%.

#### STAROSNA DOB MALOLJETNIH LICA JANUAR - MART 2020/2019. GODINU

PERIOD	od 14 do 16 god.	od 16 do 18 god.	ukupno
januar - mart 2020. godina	7	10	17
januar - mart 2019. godina	4	11	15

Među prijavljenim maloljetnim licima, sedam su u dobi do 16 godina i 10 u dobi između 16 i 18 godina, a povratnika je sedam.

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA  
MALOLJETNA LICA U PERIODU JANUAR – MART 2020/2019. GODINA

<i>Naziv krivičnog djela</i>	januar-mart 2020.	januar-mart 2019.
<i>Ubistvo u pokušaju</i>	1	
<i>Teška tjelesna ozljeda</i>		3
<i>Lahka tjelesna ozljeda</i>	1	1
<i>Učestvovanje u tuči</i>	1	
<i>Ugrožavanje sigurnosti</i>	1	1
<i>Krađa</i>		2
<i>Posjedovanje i omogućavanje uživanja opojnih droga</i>	2	
<i>Krađa</i>	1	
<i>Teška krađa</i>	2	
<i>Teška krađa na naročito opasan ili naročito drzak način</i>	9	
<i>Teška krađa-pokušaj</i>		1
<i>Razbojništvo</i>	7	1
<i>Razbojništvo u pokušaju</i>	1	
<i>Utaja</i>		1
<i>Lažno prijavljivanje</i>	1	
<i>Nasilničko ponašanje</i>	2	2
<i>ZOONDINOM</i>	1	
<i>ukupno</i>	30	12

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku perioda januar - mart 2020. godine na području Kantona Sarajevo evidentiran je jedan događaj aktiviranja minsko-eksplozivnih sredstava (isto kao i u istom periodu 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovog slučaja i pronalaženju učinilaca.

Evidentirano je osam anonimnih dojava o postavljenoj eksplozivnoj napravi (isto kao i u periodu januar - mart 2019. godine), a odnosile su se na srednje škole, Kantonalni, Općinski sud, tržni centar. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih slučajeva i pronalaženju učinioca.

POŽARI

U periodu januar – mart 2020. godine, na području Kantona Sarajevo registrovano je 80 požara (19 više), u kojima je jedno lice poginulo, a četiri lica povrijeđena.

Požari su registrovani na području sljedećih općina: Ilidža – 29, Novi Grad – 14, Vogošća –12, Stari Grad – sedam, Centar – šest, Ilijaš – pet, Novo Sarajevo – tri, Hadžići - tri i Trnovo – jedan požar.

Prema statističkim pokazateljima, 26 požara je izazvano namjerno, 25 nehatom, osam zbog tehničkih nedostataka, dok uzroci 21.-og požara spadaju u kategoriju ostalih.

Objekti registrovanih požara bili su:

- Stambeni objekat – 21 put,
- Saobraćajno sredstvo – 16,
- Poslovni prostor – osam,
- Pomoćni objekat – četiri,
- Ostali objekti – 31 put.

Zbog izazivanja požara nadležnom tužilaštvu poneseno je 10 službenih izvještaja: devet iz člana 323. KZ FBiH (izazivanje opće opasnosti) i jedan iz člana 301. KZ FBiH-a (paljevina).

#### SAMOUBISTVA

U prva tri mjeseca 2020. godine na području Kantona Sarajevo registrovano je sedam samoubistava (dva manje), koja su izvršena: upotrebom vatrenog oružja – tri puta, vješanjem, upotrebom oštrog predmeta, skokom sa visine i upotrebom sjekire - po jednom.

Svi izvršioци su muškarci starosne dobi: preko 70 godina – pet lica, od 30 do 40 i od 40 do 50 godina – po jedno lice.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je 19 pištolja, jedna puška, osam noževa, dvije petarde, 520 komada municije raznog kalibra, itd.

Tokom perioda januar - mart ove godine fizičkim licima izdato je 199 odobrenja za nabavku vatrenog oružja i 163 oružna lista.

#### JAVNI RED I MIR

U periodu januar - mart 2020. godine u oblasti protiv javnog reda i mira evidentiran je **1.291 prekršaj** (354 ili 37,8% više u odnosu na isti period 2019. godine), a za izvršenje navedenih prekršaja prijavljeno je **1.359 lica** (373 ili 37,8% više).

Na prekršaje utvrđene Zakonom o prekršajima protiv javnog reda i mira odnosi se 1.200 prekršaja (ili 92,9%), a na prekršaje koji su utvrđeni Odlukom općinskih vijeća o javnom redu i miru 91 (ili 7%).

Od ukupnog broja prijavljenih lica, 248 je povratnika u činjenju prekršaja, a prema starosnoj strukturi učinilaca prekršaja, najbrojniji su u dobi preko 36 godina (710), između 26 i 35 godina (405) i između 19 i 25 godina (244).

Prilikom narušavanja javnog reda i mira u periodu januar – mart 2020. godine, nije bilo teže povrijeđenih lica (kao ni u istom periodu 2019. godine), dok je 14 lica (pet manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA PERIOD JANUAR – MART 2020/2019.GODINE

STRUKTURA PREKRŠAJA	januar-mart 2020.	januar-mart 2019.	+ - %
-Tuča	72	63	+9 ili 14,3%
-Naročito drsko ponašanje	170	64	+106 ili 165,6%
-Odbijanje naređenja i omalovažavanjem pol.sl.	278	81	+197 ili 243,2%
-Prosjačenje	343	470	-127 ili 27%
-Svađa, vika, nepristojno ponašanje	34	27	+7 ili 25,9%
-Paljenje petardi	4	8	-4 ili 50%
-Uživanje opojne droge na javnom mjestu	14	---	+14
-Ostali prekršaji iz Zakona o pr.protiv JRiM	285	100	+185 ili 185%
Prekršaji prema odluci OV o JRiM	91	124	-33 ili 26,6%
Ukupno	1.291	937	+354 ili 37,8%

Prema vrsti prekršaja, najbrojniji su sljedeći prekršaji: **prosjačenje** (343 ili 26,6% od ukupnog broja), odbijanje naređenja i omalovažavanje policijskih službenika (278 ili 21,5%), naročito drsko ponašanje (170 ili 13,2%), tuče (72 ili 5,6%), svađa, vika, nepristojno ponašanje (34 ili 2,6%), uživanje opojne droge na javnom mjestu (14 ili 1,1), paljenje petardi (četiri). Takođe, evidentirano je 285 prekršaja iz kategorije ostali prekršaji i prekršaji koji su regulisani Odlukom općinskih vijeća - 91.

U odnosu na isti period januar - mart 2019. godine smanjen je broj prekršaja učinjenih prosjačenjem, paljenjem petardi i prekršaji prema Odluci općinskog vijeća o JRiM, dok je znatno povećan broj prekršaja učinjenih odbijanjem naređenja i omalovažavanjem policijskih službenika, naročito drskim ponašanjem, tučom, svađom, vikom, nepristojnim ponašanjem, uživanjem opojne droge na javnom mjestu i prekršaji iz kategorije ostalih prekršaja.

Do znatnog povećanje ovih oblika prekršaj protiv javnog reda i mira došlo je zbog provođenja mjera vezanih za suzbijanje zaraze koronavirusom.

**Prema mjestu izvršenja**, najveći broj prekršaja evidentiran je na ulici i na drugim otvorenim prostorima (1.183 ili 91,6% od ukupnog broja), a znatno manje u ugostiteljskim objektima (45 ili 3,5%), u trgovinama i zanatskim radnjama i školama i školskim dvorištima (po pet), u vozilima javnog saobraćaja (dva), a na ostalim mjestima 51 prekršaj.

U odnosu na isti period 2019. godine, znatno je povećan broj prekršaja evidentiranih na ulici i drugim otvorenim prostorima, u ugostiteljskim objektima, trgovinama i zanatskim radnjama, školama i školskim dvorištima, vozilima javnog saobraćaja i ostalim mjestima, dok je smanjen broj prekršaja na sportskim stadionima i dvoranama.

Na području Kantona Sarajevo u periodu januar-mart 2020. godine održano je 377 javnih skupova (140 ili 27,1% manje u odnosu na isti period 2019. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 70 slučajeva izvršeno je KDZ osiguranje.

## SAOBRAĆAJ

U periodu januar- mart 2020. godine, u odnosu na isti period prošle godine, na području Kantona Sarajevo registrovano je povećanje ukupnog broja saobraćajnih nezgoda i nezgoda sa materijalnom štetom, dok je smanjen broj nezgoda sa nastradalim licima i broj nastradalih lica.

Registrovano je 2.080 saobraćajnih nezgoda (29 ili 1,4 % više), od čega 1.919 sa materijalnom štetom (43 ili 2,3 % više) i 161 sa nastradalim licima (14 ili 8 % manje).



UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
JANUAR – MART 2020./2019. GODINA

	2020.	2019.	uporedba	
			+,-	%
<b>UKUPAN BROJ SAOBRAĆAJNIH NEZGODA</b>	<b>2.080</b>	2.051	<b>+ 29</b>	<b>+ 1,4 %</b>
SAOBRAĆAJNE NEZGODE SA NASTRADALIM LICIMA	<b>161</b>	175	<b>- 14</b>	<b>- 8 %</b>
SAOBRAĆAJNE NEZGODE SA MATERIJALNOM ŠTETOM	<b>1.919</b>	1.876	<b>+ 43</b>	<b>+ 2,3 %</b>
<b>POGINULO LICA</b>	<b>1</b>	3	<b>- 2</b>	<b>- 66,7 %</b>
- vozači	<b>0</b>	2	<b>- 2</b>	-----
- putnici	<b>0</b>	0	-----	-----
- pješaci	<b>1</b>	1	<i>isto</i>	-----
<b>POVRIJEĐENO LICA</b>	<b>213</b>	214	<b>- 1</b>	<b>- 0,5 %</b>
- vozači	<b>105</b>	113	<b>- 8</b>	<b>- 7,1 %</b>
- putnici	<b>69</b>	54	<b>+ 15</b>	<b>+27,8 %</b>
- pješaci	<b>39</b>	47	<b>- 8</b>	<b>-17 %</b>

U naselju je registrovano 1.920 saobraćajnih nezgoda (jedna sa poginulim, 152 sa povrijeđenim licima i 1.767 sa materijalnom štetom), van naselja 160 nezgoda (osam sa povrijeđenim licima i 152 sa materijalnom štetom).

**Prema kategoriji puta**, saobraćajne nezgode registrovane su:

- na ulicama u naselju – 1.331. nezgoda (jedno lice poginulo, 116 lica povrijeđeno),
- na magistralnim putevima – 290 (41. lice povrijeđeno),
- na regionalnim putevima – 188 (16 lica povrijeđeno),
- na lokalnim putevima – 58 (pet lica povrijeđeno),
- na putevima koji se ubrajaju u kategoriju ostalih – 213 (35 lica povrijeđeno).

**Prema karakteristikama puta**, saobraćajne nezgode registrovane su:

- na raskrsnicama u naselju – 241 (39 lica povrijeđeno),
- na raskrsnicama van naselja - 75 (osam lica povrijeđeno),
- na pješačkim prelazima – 23 (11 lica povrijeđeno),
- na putevima koji se ubrajaju u karakteristike ostalih – 1.741 (jedno lice poginulo, 155 lica povrijeđeno).

#### POSLJEDICE SAOBRAĆAJNIH NEZGODA

U toku perioda januar – mart 2020. godine, u saobraćajnim nezgodama na području Kantona Sarajevo nastradalo je ukupno 214 lica (tri ili 1,4 % manje). Jedno lice je poginulo (dva ili 66,7 % manje) i to pješak na području općine Novi Grad, dok je 213 lica povrijeđeno (jedno ili 0,5 % manje), od čega 28 teže (dva manje) i 185 lakše (jedno više).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA  
JANUAR – MART 2020/2019.GODINA

PERIOD	2020. GODINA			2019. GODINA			UPOREDBA 2020/19. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
<b>VOZAČI</b>	<b>0</b>	<b>8</b>	<b>97</b>	<b>2</b>	<b>7</b>	<b>106</b>	- 2	+ 1	- 9
<b>PUTNICI</b>	<b>0</b>	<b>10</b>	<b>59</b>	<b>0</b>	<b>2</b>	<b>52</b>	-----	+ 8	+ 7
<b>PJEŠACI</b>	<b>1</b>	<b>10</b>	<b>29</b>	<b>1</b>	<b>21</b>	<b>26</b>	<i>isto</i>	- 11	+ 3
<b>UKUPNO</b>	<b>1</b>	<b>28</b>	<b>185</b>	<b>3</b>	<b>30</b>	<b>184</b>	- 2	- 2	+ 1

#### STEPEN POVREDA UČESNIKA U SAOBRAĆAJNIM NEZGODAMA

- Vozači : 105 vozača povrijeđeno (osam teže i 97 lakše),
- Putnici: 69 putnika povrijeđeno (10 teže i 59 lakše),
- Pješaci: 39 pješaka povrijeđeno (10 teže i 29 lakše)

#### Starosna struktura nastradalih lica u saobraćajnim nezgodama je slijedeća:

- do 14 godina – 19 lica,
- od 15 do 20 godina – 15,
- od 21 do 24 godina - 27,
- od 25 do 30 godina – 34,
- od 31 do 40 godina – 30,
- od 41 do 50 godina - 36,
- od 51 do 65 godina – 29,
- 66 i više godina - 15,
- Nepoznata starosna dob – devet lica.

#### Starosna struktura nastradalih vozača u saobraćajnim nezgodama je slijedeća:

- od 18 do 23 godine – 12 lica,
- od 23 do 30 godina – 27,
- od 30 do 40 godina – 22,
- od 40 do 50 godina – 22,
- od 50 do 60 godina – 13 lica,
- 60 i više godina – sedam,
- Nepoznata starosna dob – dva lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 1.669 (jedno lice poginulo, 143 lica povrijeđena),
- neprilagođena brzina – 398 (68 lica povrijeđeno),
- uticaj alkohola – 13 (dva lica povrijeđena).

#### AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 57.629 vozila (463 ili 0,8 % manje).

Zbog kršenja propisa iz oblasti sigurnosti saobraćaja uručena su 62.032 prekršajna naloga vozačima (5.213 više), podnesena 892 zahtjeva za pokretanje prekršajnog postupka (789 više) i registrovano 21.-no krivično djelo zbog ugrožavanja sigurnosti javnog prometa (četiri više).

Zbog tehničke neispravnosti, iz saobraćaja je isključeno 150 vozila (11 ili 7,9 % više), 874 vozača su zatečena da upravljaju vozilom pod dejstvom alkohola (26 ili 3,1 % više), 1.594 bez korištenja sigurnosnog pojasa (809 ili 103 % više), 568 bez položenog vozačkog ispita (163 ili 40,2 % više), 224 pod izrečenom zaštitnom mjerom (76 ili 51,3 % više), 1.151 vozač je zatečen da koristi mobitel tokom vožnje (180 ili 18,5 % više), a 3.386 vozila su otkrivena da učestvuju u saobraćaju bez važeće registracije (1.593 ili 88,8% više).

#### MIRUJUĆI SAOBRAĆAJ I KONTROLA PJEŠAKA

Tokom prvog tromjesečja 2020. godine, pripadnici Uprave policije su uručili 22.629 prekršajnih naloga vozačima koji nisu poštivali saobraćajne propise prilikom parkiranja (797 manje u odnosu na isti period prošle godine), upozorili 846 vozača (šest manje), a specijalnim vozilom „pauk“ su premjestili 476 vozila (543 više).

Zbog nedozvoljenog parkiranja, prekršajne naloge uručili su policijski službenici: II PU – 4.822, V PU – 4.531, IV PU – 3.818, I PU – 3.151, III PU – 3.069, Jedinice za saobraćaj – 1.575, VII PU – 841 i VI PU – 822.

Takođe, pješacima koji su kršili saobraćajne propise uručeno je 619 prekršajnih naloga (48 više), a upozoreno je 140 pješaka (isti broj).

#### ZAKONITOST U RADU

U periodu januar- mart 2020. godine registrovano je devet napada (šest više) na policijske službenike MUP-a Kantona Sarajevo: osam pojedinačnih i jedan grupni napad. Napadači su u sedam slučajeva koristili fizičku snagu, a u dva slučaja oruđa i druge predmete.

Policijski službenici Uprave policije su tokom izvještajnog perioda u 13 slučajeva (tri više) opravdano upotrijebili silu : fizičku snagu i sredstva za vezivanje – deset puta i fizičku snagu tri puta.

Tokom prvog tromjesečja 2020. godine, razmatrano je 77 predstavki na rad policijskih službenika. Nakon razmatranih predstavki Odbor za žalbe građana Skupštine Kantona Sarajevo donio je zaključak da se za 27 predstavki (dvije manje) provede unutrašnja istraga, za 26 predstavki je odlučeno da se izvrše provjere i prikupi dokumentacija, za 23 da su neosnovane, dok je u jednom slučaju predstavka pripojena već otvorenoj unutrašnjoj istrazi.

Od ukupno 77 razmatranih predstavki, 61.-na je podnesena od strane građana, a 16 predstavki predstavljaju saznanja iz službe.

Okončana je 51.-na unutrašnja istraga među kojima je 21.-na bila bez dovoljno dokaza, 14 je neosnovanih, 10 je osnovanih, pet je zaključeno ocjenom oslobađajuća, dok je u jednom slučaju stranka odustala od žalbe.

## **RAD POLICIJE U ZAJEDNICI**

U okviru Rada policije u zajednici tokom prva tri mjeseca 2020. godine obavljane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u ovom domenu rada.

Cilj partnerstva policijskih službenika jeste održanje stanja mira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost svih građana Kantona Sarajevo.

S tim u vezi preduzimane su, između ostalog, slijedeće aktivnosti:

- Koordinirane su aktivnosti na provođenju planiranih mjera oko realizacije projekta iniciranog od strane NVO „PH –international“ (Socijalizacija s pravom-PSP),
- Nastavljene su aktivnosti na realizaciji projekta „Lopov uvijek bude otkriven“;
- Na osnovu memoranduma o razumijevanju, stručnoj saradnji i uzajamnoj podršci u istraživanjima u oblasti sigurnosti, potpisanom između Fakulteta političkih nauka u Sarajevu i Uprave policije MUP-a KS, organizovana je specijalistička obuka za ciljne grupe policijskih službenika na temu „Savremene strateške metode u funkcionisanju i radu policije sa zajednicom“;
- Sačinjena je i Sektoru kriminalističke policije na nadležno postupanje dostavljena informacija u vezi implementacije Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom 2017-2019..

Osim navedenog, organizovane su takođe brojne edukativne radionice koje su se, između ostalog, bavile: ovisnosti i prevencijom ovisnosti od narkotičkih sredstava, cyber kriminalom, prevencijom maloljetničkog prijestupništva, trgovinom ljudima, međuvršnjačkim nasiljem, bezbjednosti u saobraćaju i slično.

## **EDUKACIJA U UPRAVI POLICIJE**

U skladu sa Planom i programom stručnog osposobljavanja policijskih službenika Uprave policije MUP-a Kantona Sarajevo, u periodu januar- mart 2020. godine, aktivnosti na poslovima iz nadležnosti Odjeljenja za edukaciju realizovane su kroz razne vidove internog i eksternog stručnog usavršavanja.

Interno stručno usavršavanje se provodilo kroz program terenske i specijalističke obuke.

Po pitanju terenske obuke preduzete su početne aktivnosti na donošenju Plana i programa ove vrste obuke za policijske službenike Sektora za policijsku podršku, kao i policijske službenike pripadnike Vodova za sprečavanje narušavanja JRM u većem obimu za 2020. godinu.

Program specijalističkog stručnog usavršavanja se provodio po posebnom Planu i programu specijalističke obuke za policijske službenike koji obavljaju poslove i zadatke rukovodioca smjene u organizacionim jedinicama Uprave policije MUP-a KS. Kroz ovu obuku je prošlo ukupno 38 policijskih službenika kao polaznika, dok je pet policijskih službenika, rukovodilaca organizacionih jedinica učestvovalo u realizaciji obuke u svojstvu predavača.

Eksterno stručno usavršavanje se provodilo kroz edukativne radionice, seminare, kurseve, okrugle stolove, prezentacije, razmjene policijskih službenika, obuke i slično.

Odjeljenje za edukaciju je na osnovu Protokla o saradnji između Uprave policije MUP-a KS i Kantonalnog tužilaštva, iniciralo specijalističku obuku policijskih službenika od strane tužilaca za 2020. godinu. Obuka bi se izvodila za policijske službenike koji obavljaju poslove i zadatke u vezi sa dokumentovanjem prijavljenih krivičnih djela, kao i podnošenjem izvještaja o počinjenom krivičnom djelu protiv počinitelja istih. Na taj način bi se unaprijedila zajednička saradnja i svakodnevni rad, te na osnovu stečenih iskustava iz prakse i usvajanja potrebnih znanja iz sudske prakse, doprinijelo ostvarivanju planiranih ciljeva i poboljšanju ukupne sigurnosne situacije na području Kantona Sarajevo.

Odjeljenje za edukaciju je u saradnji sa Fakultetom političkih nauka za policijske službenike organizovalo specijalističku obuku na temu „Savremene strateške metode u funkcionisanju i radu policije sa zajednicom“, koja je realizovana kroz četiri modula. Po okončanju obuke organizovana je svečana ceremonija uručjenja certifikata za 35 učesnika-polaznika obuke.

Kroz različite module specijalističkih obuka organizovanih od strane subjekata izvan Uprave policije, prošla su ukupno 53 policijska službenika.

Osim navedenog, Odjeljenje za edukaciju je organizovalo brojne edukacije, obuke, radionice, treninge, prezentacije, okruge stolove među kojima izdvajamo: „Šta je to trgovina ljudima“, „Strategije i ključni alati u istrazi složenih predmeta finansijskog i privrednog kriminala“, „Rad policije u zajednici i postkonfliktna reforma policije“, „Jačanje kapaciteta agencija za provedbu zakona u BiH u borbi protiv teškog i organizovanog kriminala i terorizma kroz unapređeno upravljanje kriminalističko-ovbavještajnim saznanjima“, „Najbolje prakse u pogledu privremenog i trajnog oduzimanja imovine“, „Modul za provedbu mjere policijsko osiguranje“- u okviru akcionog plana za prevenciju maloljetničkog prijestupništva i rada sa maloljetnicim u kontaktu sa pravosudnim sistemom.

Zbog sprečavanja širenja pandemije virusom Covid -19, veliki broj planiranih aktivnosti je odgođen do daljnjeg.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima boravi cca 2.951 migrant.

U periodu januar - mart 2020. godine migranti su učestovali u 40 događaja sa obilježjem krivičnog djela i to:

- ubistvo u pokušaju (čl. 166/28 KZ FBiH) – dva,
- teška tjelesna ozljeda (čl. 172 KZ FBiH) – dva,
- lahka tjelesna ozljeda (čl. 172 KZ FBiH) – dva,
- bludne radnje (čl. 208. KZ FBiH) – jedan,
- posjedovanje i omogućavanje uživanja opojnih droga (čl.239 KZ FBiH-a) - dva
- krađa (čl. 286 KZ FBiH) – sedam,
- teška krađa (čl. 287 KZ FBiH) – devet,
- teška krađa u pokušaju (čl. 287. u vezi člana 28. KZ FBiH) – jedan,
- razbojništvo (čl. 289 KZ FBiH) – pet,
- oštećenje tuđe stvari (čl. 293. KZ FBiH-a) – četiri,
- nasilničko ponašanja (čl. 362 KZ FBiH-a) – dva,

- krivotvorenje isprave (čl. 373 KZ FBiH) – jedan,
- krijumčarenje osoba (čl.189 KZ BiH) – dva (u nadležnosti SIPA-e, odnosno Tužilaštva BiH),

U izvještajnom periodu, službenici policije kontrolisali su 2.560 migranata, od čega 1.166 nisu posjedovali registrovani obrazac, 120 je upućeno službi za poslove sa strancima radi registracije, 155 je predato službi za poslove sa strancima, 1.761 migranat je smješten u imigracione centre i nad 15 migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 80 akcija) na području Kantona Sarajevo, u periodu januar - mart 2020. godine, policijski službenici Uprave policije MUP-a Kantona Sarajevo pronašli su ukupno 1.048 migranata.

Kad su u pitanju pritužbe na ponašanje migranata, od ukupno 316 evidentiranih pritužbi, 36 je zbog događaja sa obilježjem krivičnog djela, 39 zbog narušavanja javnog reda i mira, 43 zbog okupljanja i 198 ostalih pritužbi.

Takođe, redovno su sačinjavane informacije, procjene i analize vezane za navedenu problematiku.

Sarajevo, 17.04.2020. godine

Odjeljenje za odnose s javnošću